

光緒重修安徽通志

重修安徽通志卷一百四十

職官志

名宦

四附傳 凡在安徽用兵殉節而非本省之官與雖本省之官而非有職任者皆不入焉

鄒漢勳字叔績湖南新化舉人帶勇援江西以同知候選咸豐三年從江忠源剿賊堅守廬州府城三十七日援絕城陷漢勳在城樓飲酒斗許手刃十數賊死之嚴正甚憫忠草先是漢勳守西平門賊夜梯城上我兵擊殪其魁上首級漢勳爲最又都司馬良勳自六安至參將戴文蘭經歷艾廷暉自湖北來援並濟餉入城與六品銜石安邦外委林世弼把總尹孝忠知縣張文斌均先後戰死壽春鎮將玉山自店埠來援戰拱辰門師潰陣亡州
縣守布政使劉裕鈔池州知府陳源充同知胡子雖副將松安縣丞興福皆死之先正事略合肥志玉山裕鈔源充自有傳

向榮字欣然四川人由行伍擢至固原提督道光三十年調廣西提督九月至桂林剿賊於慶遠思恩南甯等府咸豐元年七月由紫金山進兵會克雙壽山八月破賊風門坳因雨致挫革職畱營十一月

賞三品頂戴督攻永安北路開復原官二年二月復永安三月守桂林卻撲城之賊八月追賊至長沙十二月追賊武昌連破賊壘距城不三里而城陷三年正月復武昌

授欽差大臣追賊九江無舟不得濟二月二十一日追賊金陵營孝陵衛二十五二十七二十九偪城而營三月初六至十七破雨花臺敗賊通濟門十一月派兵圍鎮江四年七月派兵復太平府十月破賊浦口五年三月派鄧紹良會浙軍復婺源等城派兵掃三山賊壘六月派張國樑再復太平府七月復蕪湖十一月

擊敗江甯出竄之賊十二月派兵擊走安慶蕪湖東下之賊六年三月克浦口江浦派兵剿甯國府五月派兵敗賊鎮江又敗賊溧水大營旋陷退保丹陽七月卒於軍奉

旨優卹諡忠武入祀江蘇名宦祠

方略
兵事紀略

張國樑字殿臣本名嘉祥廣東高要人少任俠爲羣盜所推有眾萬人道光二十九年廣西巡撫勞崇光招撫之檄剿土匪顏品瑤潘七大李樹青等乃改今名旋破洪逆於新甯咸豐二年三月破賊道州追賊長沙武昌破洪山寺壘浔授守備都司加霍羅琦巴圖魯尋從提督向榮剿賊江甯時賊竄太平府國樑以五百人往剿克之往返僅七日六年五月九華師潰向榮請以國樑統南北諸軍

命以漳州鎮總兵幫辦軍務迭克儀徵及九洲州各城監升湖南提督

調江南提督十年閏三月二十九日戰丹陽重傷赴水死之入

月十七日

賜卹贈太子太保祀昭忠祠諡忠愍

蔣敦復撰行略
藏書瑣記

江忠信湖南新甯人從族兄忠源剿賊湖南北果敢善戰勇冠一軍積功洊擢千總咸豐三年自湖北援忠源於廬州與同知劉長佑鎮將音德布會師敗賊於西平門外又與戴文蘭艾廷暉以楚勇百五十人人懷巨鏹二夜叩城入賴以接濟嗣從征皖鄂以功擢至副將六年從總兵鄭魁士攻桐城攻三河賊壘垂破中礮死之

調忠草
州戰守記 盧

余從江西新建人隨巡撫江忠源征剿立功以府經歷縣丞選用咸豐三年十二月十六日廬州府陷陣亡

胡文忠集

伍成功臨桂人安徽知府嘗充巡撫行營統帶官咸豐三年廬

州陷督戰陣亡奉

旨卹廕如制

採訪冊

嚴國佐字雪樵浙江建德人從九品充徽防委員咸豐四年委赴池州之建德幫同知縣王開貽辦團練督勇紮赤頭關九月粵賊羅大綱犯境戰敗勇潰國佐死之

建德縣志

呢阿布西安協領咸豐七年在巢縣東關帶兵擊賊血戰陣亡
照副都統例

賜卹子諡祀昭忠祠世襲騎都尉

福濟奏案
部文

曾國華字溫甫湖南湘鄉人監生候選同知年少跣弛父教之

嚴遂折節

慎忠草

咸豐六年湖北巡撫胡林翼奏令統領劉騰鴻

吳坤修等軍援救江西攻克甯蒲圻崇陽通城新昌上高六縣軍抵瑞州江西湖南聲息始通旋丁本生父憂偕同母兄國

藩自軍中還湘八年二月降服期滿出抵李續賓軍相與講求
戎政克麻城黃安入皖連下太湖潛山桐城舒城師銳甚國華
獨憂之以謂常勝之家難深恃時時與續賓深語悚切以警其
下竟以十月十日從續賓殉難於廬江之三河鎮

求闕齋
文鈔

卹贈太僕寺卿銜世襲騎都尉

特謚忠愍金陵克復加

恩賞加一雲騎尉

報

同時死事者副將劉神山參將彭友勝游擊胡廷

槐杜廷光鄒玉堂道員孫守信丁銳義知府何忠駿知州王揆
一同知董容方知縣楊德閻從九品李續藝張溥萬文武官弁
數百人

兵事
紀略

夏堯墀字丹鶴江西德化人安徽縣丞咸豐九年從巡撫翁同
書駐定遠委辦行營事務捻匪撲城幫同守禦手燃大礮擊賊

無數城陷死之奉

旨從優議卹又甸湖營都司恩慶候補通判周錫璜王錫齡候補知縣德俊慶春蔭劍南王九皋試用府經周玉鼎縣丞周詩梁增泰邵秉章喬用康王培榮吏目毛樹勛從九品周以仁王仕任李命日林毓祥張振年外委李光斗王成王衡恬均死之照陣亡例

于卹

定遠縣志
翁同書奏案

郭沛霖湖北蘄水人江南淮徐道被議褫職咸豐九年巡撫翁同書調沛霖赴定遠軍營同書以擅調降級畱任六月捻逆襲得撲定遠沛霖擊敗之給五品頂戴賊復糾髮逆來攻城陷沛霖與直隸州州判舒世琛均死之奉

旨開復原官照道員例議卹世襲雲騎尉世琛

贈知縣世襲雲騎尉又廣西知縣朱爲霖正黃旗漢軍武舉慶塔山西
從九董官正四川守備王錫培山東曹鎮營外委田豐登軍功
李子厚陳蕃韓明均照例議卹勅同書奏案
定楚縣志
德安湖北提督成豐九年勝保翁同書帶兵在天長縣城之東
關外駐劄扼守猝遇大股粵逆由六合繞道直薄城關德安力
戰陣亡奉

諭旨照提督陣亡例議卹世襲騎都尉兼一雲騎尉

勅同書奏
案部文

馬光宗四川維州左營把總升用參將成豐九年張芾派令剿
賊援石埭七都力戰陣亡

賜祭葬照副將例子卹祀昭忠祠世襲雲騎尉

部文

梁鵬字渙亨廣東三水人江蘇縣丞軍功洊保知縣咸豐五年
調援皖南破賊於建平鍾橋從鄧紹良練廣德軍守宣城破賊

於黃金塔於三里店斬賊甚多別從周天受剿南陵十三戰皆
有功調援浙坐法褫職鄭魁士理其功復知縣剿賊石埭七都
以功擬保直隸州知州九年六月浮梁賊竄撲營壘鵬出擊連
勝會援軍參將馬光宗副將吳偉奇兩營并沒賊抄截後路圍
鵬營三晝夜援絕營潰陣亡

贈道銜世襲雲騎尉

梁泰亨呈冊
梁元墓志

潘羅成湖南澁浦人一足微蹇有勇敢戰軍退常殿後賊有追
躡者回戈奮擊輒轉敗為勝積功至參將得伊勒爾克巴圖魯
名號咸豐九年從李孟羣拒賊於廬江之長城力戰陣亡於同
治元年奉

旨予卹附祀廬州府李孟羣專祠

楊忠草
奏案

同時陣亡者衛守備馬錫祿

山東德
州人

守備朱清珍

河南許
州人

千總梁志品

四川安
州人

康玉麟

四川
華陽

人州同張湘甲湖南人經歷周壽嵩湖南衡州府人縣丞沈麟圖河南固始人

從九品喬傳芬湖北孝感人敬克猷四川成都人周德治四川忠州人監生趙

廷煥江蘇人文生張之瑾從九品銜周日襄並河南固始人干總倪人傑

四川成都人張首魁四川大竹人張玖乾湖南保靖人孫全勝河南人把總謝世

望四川成都人黃占魁四川大竹人外委原得勝廣西桂平人劉啟光廣東番禺人

向宏亮包宏興並湖南永順府古丈坪人軍功魏鵬九湖北陽州人均奉

旨予卹附祀李孟羣專祠袁甲三奏案

和春字雨亭赫舍里氏滿洲正黃旗人由前鋒藍翎長洵授永

綏協副將咸豐初剿賊廣西湖南湖北江南三年擢江南提督

命分帶官兵赴廬州會剿四年營三星岡百道環攻廬州府城至五年

十月克之進攻巢縣拔賊三十六年進剿三河復舒城擊敗懷

遠捻匪分兵剿宿州克湖墅擊退無為援賊平于家集陣斬捻

首王源林克三河殲擒八千餘名進攻廬江克之是年

命爲欽差大臣馳赴丹陽督辦江南軍務至十年四月在常州督兵剿

賊中槍傷卒於軍照將軍例

賜卹諡忠武世襲騎都尉兼一雲騎尉併爲二等男爵附祀江甯將軍

祥厚等昭忠祠

史館鈔傳

富亮吉林佐領咸豐十年攻剿定遠踞賊連獲大勝中礮陣亡

又協領台興阿阿青阿防禦明保副將于昌麟馬昇平游擊劉

大用陸廣山陳開玉都司丁大起劉紹軒守備許永勝千總郭

元齡外委劉兆蘭把總于延年俱在定遠剿賊先後陣亡奉

旨分別議卹給世職各如例

袁甲三奏案 壽州志云馬昇平濟南武舉甘肅參將加副將銜咸豐五年由壽州

攻定遠爲賊所獲不屈死之妾王氏奔喪壽州飲藥殉烈

周天受字百祿四川新都人由把總於咸豐元年從向榮征廣

西轉戰湖南湖北江南游擢都司四年從鄧紹良剿賊太平甯國帶兵赴徽州會合江長貴援剿敗賊於青石嶺追至青陽城下移營琉璃嶺賊來撲營大敗之尋調防石埭敗賊於崇覺寺五年在琉璃嶺巖鎮等處打仗功列頭等肅清徽州克復婺源休甯石埭等城扼紮崇覺寺六年剿賊祁門追至涇縣南陵轉戰數月皆有功江西賊竄徽州休甯黟縣天受由南陵馳援解徽州之圍復休甯黟縣時涇縣復陷天受星夜回剿克復涇城因先登受頭等傷七年正月調回徽防二月賊復犯祁門婺源石埭太平均剿敗之一律肅清仍駐防石埭敗賊於崇覺寺七都一帶進攻陵陽鎮獲勝復竄黟縣祁門天受會同江長貴援剿均收復八年正月進攻南陵擒斬頗多時天受已累擢至福建漳州鎮總兵加提督銜

命幫辦浙江軍務總統諸軍轉戰浙閩尋因婺源失陷天受統師回剿力拔堅城擢湖南提督九年攻祁門克之援甯國擊退涇縣踞賊解南陵圍再復婺源

命督辦甯國軍務十年三月江南大營失利賊匪分竄徽池天受援歙縣戰叢山關等處斃賊頗多賊竄撲甯國府城天受鏖戰數月糧梗援絕八月十二日城陷力戰陣亡

諭照提督例賜卹於甯國府城建立專祠其胞弟周天培上年江北殉節周天孚本年金壇殉節亦係堅守孤城力竭不屈一門忠烈大節凜然著於四川省城及本縣建立周天受兄弟三人祠字尋

賜卹如例

贈太子少保銜世襲騎都尉兼一雲騎尉

史館鈔傳

左紹登直隸河間縣人軍功洵保藍翎同知分發安徽候補咸豐十年從周天受守甯國府城城陷巷戰陣亡妻孫氏自經死於同治七年吳坤修奏

卹如例

奏案鈔存
呈冊

沈堃安徽按察司照磨以軍功保州同咸豐初帶勇從福濟袁甲三金光筋剿賊調辦甯國軍裝局十年府城陷同皖南道福咸死之

旌卹廕子如例

冊呈

蕭翰慶湖南湘鄉人器宇宏深勇敢有爲咸豐三年從彭玉麟水師由湖南轉戰湖北四年克復岳州武昌均身受重傷調赴江西回援湖南所向克捷積功至道員運使銜十年派帶訓章等軍六千援浙經督辦皖南軍務張芾留於徽州防剿由黟縣

出嶺連復石埭太平縣城旋援浙江湖州府城力戰陣亡事聞

照三品例

恩准優卹世襲騎都尉同治元年二月

賜祭一壇徽人以翰慶行軍秋毫無犯每思悼之

官文等奏案
慎忠草

伊興額蒙古正白旗人和勒特氏字松坪從征喀什噶爾投驍
騎校咸豐三年以三等侍衛交琦善江北軍營差委克復揚州
轉頭等侍衛六年帶兵解宿州城圍追擒匪張落刑等敗之於
南坪獲擒酋夏白加額圖渾巴圖魯留防徐宿駐瓦店山口擊
改擒匪李月等斬擒酋王廣愛渡澮戰岳家集斬李月降陳殿
元投蒙古正紅旗副都統八年挫於濰溪口奪職尋

命幫辦徐宿軍務以剿擒商水功復原官十年以專擅奪官尋

賞三品銜充僧格林沁翼長帶兵先赴徐州十一年僧王剿擒於濟甯

直隸通志卷一百四十一
八
之陽山軍不利檄赴援遂與總兵滕家勝由礪山進兵遇賊於汶上之沙河站連戰皆捷窮追中伏與滕家勝暨部將永昇永林石琳陳葆元俱力戰陣亡得

旨開復原官照都統例議卹諡壯愍給世職又奉

諭旨伊興額滕家勝均在徐州汶上建立專祠伊興額並於宿州永城

滕家勝並於泗州靈璧建立專祠隨同陣亡員弁一併附祀

鈔存 伊壯愍剿匪紀略

張芾字小浦陝西涇陽進士由編修洊擢刑部左侍郎咸豐二年投江西巡撫三年髮逆竄九江入湖口圍南昌嬰城固守九十餘日圍解四年緣事革職旋發往安徽軍營交和春福濟差委五年

賞六品頂戴芾自上年籌辦徽防聯絡紳民勸捐軍餉約五十萬本年

親督兵勇堵截婺源祁門竄賊有功

賞換五品頂戴安徽團練由芾調度時賊由江西竄休甯芾督兵勇及
休歙鄉團將休甯收復丁母憂

命留營俟服闋以三品京堂候補七年賊犯徽境清華街芾派兵截擊
賊潰竄

諭徽郡一帶防剿事宜卽着張芾妥爲籌辦在防將士並由張芾委員
統領尋以婺源祁門賊已擊退奏懇回籍

命仍留徽督辦八年賊復竄踞婺源九年賊目張宗相乞降芾派總兵
江長貴乘機進攻復縣城並毀高沙賊壘三月補通政使十月
授左副都御史十一月派兵攻太平郭村石埭夏村鄉團助戰
均克之

諭皖南四府一州軍務均著張芾督辦其甯國一軍自周天受以下均

歸節制十年二月涇縣旌德復陷三月賊由績溪攻徽郡芾督同江長貴擊走之進復績溪

命暫行革職仍督辦皖南軍務閏三月派兵連復太平旌德石埭涇縣俄而建平涇縣廣德皆失陷下部議處浙境踞匪復竄徽州南山之蕩阮擊卻之七月

命來京奏准開缺回籍補行守制十一年陝西回匪滋事

命督辦陝西團練事宜會同巡撫瑛榮辦理防堵同治元年芾赴渭南倉頭鎮曉諭回眾被戕經瑛榮奏入

諭照侍郎例優卹於陝西省城建立專祠三年

諭於倉頭鎮再建專祠家屬五十二名口分別旌卹並附祀陝西省專祠四年准入江西名宦祠於徽州府城建立專祠提督周天受知縣李應詔一併附祀

子諡文毅世襲騎都尉兼雲騎尉

史館鈔傳

江忠義湖南新甯人隨其從兄忠源轉戰湖北江西安徽等省以道員擢署貴州巡撫歷署貴州廣西提督援黔援粵皆有功同治二年夏帶兵赴援江西敗賊於湖口青陽江境肅清皖南漸次底定以積勞傷疾舉發至新建縣之吳城道卒

諭照總督例賜卹予諡戰績宣付史館并於安徽青陽江西省城及本

籍建立專祠

青文 青陽縣案

郭明鼈湖南人忠勇性成英毅罕匹咸豐六年投効水師營七年掃蕩斬黃粵匪八年克復九江進攻安慶大通樅陽十年破南陵賊圍十一年克安慶復池州同治元年攻運漕無爲東西梁山金柱關蕪湖縣戰功最著浔保花翎總兵銜副將勝勇巴圖魯元年九月初六日金柱關殺賊中礮捐軀

贈提督銜照提督陣亡例議卹又游擊銜都司洪得勝千總王明元同

時戰歿

曾國藩彭玉麟楊岳斌等奏案

多隆阿字禮堂呼爾拉特氏滿洲正白旗人黑龍江駐防由前鋒補驍騎校從征河南游升協領帶兵湖北剿賊疊著戰功咸豐八年同都興阿克復安徽太湖縣城破石簪踞匪進剿安慶毀北門外各逆壘會合鮑超敗賊於花涼亭九年授福州副都統再破賊石簪毀其木城擊退潛山安慶援賊遂克石簪十年同鮑超平地靈港兩岸賊壘十一年駐高路鋪擊走桐城廬江逆首林紹璋等

命幫辦官文胡林翼軍務擊敗挂車河天林莊及集賢關踞賊毀江家橋等處賊壘派兵堵剿馬鞍山分攻蔣家山高河鋪之賊均敗之八年克復省城

賞給雲騎尉世職九月攻克桐城補授正紅旗蒙古都統尋授荊州將軍仍辦理江北安徽軍務同治元年四月攻克廬州府城誘擒逆酋陳玉成伏誅

賞給騎都尉世職五月

命督辦陝西軍務克紫荆關毫穎擒逆西趨多隆阿率師擊敗之殲戮殆盡

授爲欽差大臣督辦陝西軍務二年調西安將軍削平同朝一帶回巢分兵解鳳翔圍三年攻拔蓋屋縣城身受槍傷卒於軍奉

諭旨晉贈太子太保照將軍陣亡例優卹賞給一等輕車都尉世職入祀京師昭忠祠立功省分建立專祠尋

子諡忠勇七月

上以江甯克復追念死事請臣復

賞加一雲騎尉世職併爲一等男爵子雙全襲

史傳

僧格林沁博爾濟吉特氏科爾沁旗人道光五年嗣科爾沁札薩克多羅郡王咸豐四年以連鎮功

封博多勒噶台親王破賊馮官屯高唐州肅清北路八年

授爲欽差大臣督辦軍務嗣是防堵天津轉戰直隸山東河南功勳卓越紀律嚴明兵民愛戴同治元年

命統轄山東河南全省軍務並調度直隸山西及蒙亳徐宿防兵八月破賊魚臺進克亳州各捻圩將各股捻首擒獲收撫亳州以北肅清二年二月連克雒河集尹家溝賊巢擒斬捻首韓四萬蘇添才等匪黨大懼楊瑞瑛李勤邦等懇請投誠赴署宿州知州英翰軍前歸正責令誘擒巨捻張落刑及其子張瀛比夜英翰帶隊馳往擒獲解營餘匪悉平十月捻首苗沛霖攻蒙城勢張

甚僧格林沁親督馬步進剿克蔣曠集破楊家砦蔡家圩分道
進攻連平賊壘苗逆夜竄爲總兵王萬清所殺苗景開等均伏
誅遂解蒙圍尋破西陽集斬葛春元餘砦投誠遣總兵恆齡等
分徇穎毫壽州清圩緝匪收復城關淮南漸就肅清三年

命督師皖豫楚三省之交自是轉戰湖北河南四年四月髮捻合竄山
東汶上之袁家口犯鄆城西北水套僧格林沁督師進剿乘勝
逐北中伏捐軀

上覽奏爲之隕涕優卹建立專祠并入祀昭忠祠配饗

太廟諡曰忠七年七月擒匪平

賜祭一壇先是

命繪像紫光閣

贊曰雄藩懿戚夙懋忠勇轉戰疆場奇勳克鞏傷戎馬革遽隕將星秘

芬配食閣手圖形

史館抄傳
方略

重修安徽通志卷一百四十一

職官志

名宦 五

安慶府

漢劉駒駘爲樅陽長以病免民歌而思之曰悒然不樂思我劉

公何時復來慰我下民

後漢書
劉珍傳

吳孟宗爲監魚池司馬自結網捕魚作鮓寄母母遣之曰汝爲

魚官作鮓寄我非避嫌之道

吳錄

唐獨孤及字至之洛陽人天寶末歷濠舒二州刺史歲旱鄰郡

逋亡什四以上舒人獨安以治課賜金紫

唐書
本傳

張萬福元城人累攝壽州刺史舒廬壽都團練使州送租賦爲

盜所奪萬福領兵襲賊盡得所亡并先掠人妻女財畜萬計還

其家又攝舒州刺史督捕淮南盜賊窮破株黨

唐書本傳增修

魏信陵吳縣人貞元中爲舒州望江令愛民如子歲旱齋戒爲文痛自引咎以鐵版丹書禱於神雨驟至及受代民遮道不得

去後卒於官將輓歸邑民號哭畱葬治所

南畿志

胡珣字潤博宗城人貞元中刺舒州歲大熟麥一莖數穗閭里

歌舞之考功以聞

韓愈胡良公神道碑

韓震元和八年令桐城自開元中徙治山城地多獮虎毒虺震

焚雜草木其害遂除民始獲安

江南通志

鄭穀滎陽人守舒州水旱小沴虔禱輒應齊楚飛蝗爲災將及

舒穀夙興告於神蝗卽爲雪雹所糜爛百姓歌曰禾稼美如雲

實由鄭使君

江南通志

宋馮瓚字禮臣歷城人知舒州境內有菰蒲魚鼈之饒居民採

以自給防禦使司超盡徵之瓚奏請蠲除從之

宋史本傳

李炳肥鄉人知舒州太祖征金陵緣江供億惟舒尤甚以勞加

侍御史

宋史李沆傳

游酢字定夫建陽人知舒州再知濠州罷歸酢莅官遇僚吏有恩意人樂自盡而無敢慢其令者惠政在民戴如父母故去則

見思久而不忘

名臣言行錄

劉沆字冲之吉州人通判舒州有大獄歷歲不決沆數日決之

宋史本傳

李孝基字伯始鄆城人通判舒州舒吏受賂鬻獄以殺人罪加

平民孝基劾治三日得其情卽抵吏罪

宋史李迪傳增修

李寃字君儀豐城人爲舒州司理治懷甯盜獄平反三人時王

安石爲州判因欲抵懷甯令罪寃不可司理院月評物價寃特

昂絹直安石詰其故曰計賊以絹為量歲饑民多為盜賊不滿

匹則緩於死不爾三絹殺一人矣安石服而謝之

江西通志

楊希元元豐中知舒州近城有大澤出瀉山注北門外暴水漂

居民希元築捍水隄一千一百五十丈置洩水斗門二遂免淫

潦入城之患璽書獎諭

一統志

李師中字誠之楚邱人神宗時知舒州在官不貴威罰務以信

服人至明而恕去之日民擁道遮泣馬不能行

宋史本傳

黃庭堅字魯直分甯人知泰和縣以平易治徽宗時知舒州以

德化民不事錐楚愛山谷寺林泉之勝築精舍於傍自號山谷

道人

宋史本傳 江南通志

趙師傳紹興中知望江縣創純孝亭於南臺寺側合祀王祥孟

宗徐仲源三孝子以風勵民俗後瀆熙中趙師循為令更繪三

賢像祀之在官亦有嘉政

一統志

孫知微以朝散大夫通判舒州紹興元年淮賊劉忠薄舒知微繕甲兵勵士卒登陴固守城陷不屈賊怒斮而食之

宋史鄭振南錄傳

志

蕭服字照甫廬陵人調望江令治以教化爲本訪王祥臥冰池孟宗泣筍臺皆爲築亭刻唐縣令魏信陵文於石俾民知趨向

宋史沈疇傳

黃榦字直卿閩縣人先通判安豐軍淮西帥檄榦鞫和州獄以疑未決夜夢井中有人呼囚詰之曰汝殺人投井矣囚驚服知安慶府沿邊多警民情震恐乃請城安慶不俟報卽日興工城分十二料先自築一料計工費若干然後委官吏役民兵五千人役九十日而計人戶產錢起丁夫通役二萬夫人十日而

罷日五鼓坐堂濠砦官受命畢乃泊府事理民訟接賓客閱士卒會僚佐究邊防利病次則巡城視役晚入書院講論經史是歲大旱榦登郡閣望潛山再拜雨卽至後二年北軍破黃州淮東西皆震獨安慶安堵如故旣而霖潦月餘巨浸暴至城屹然無虞舒人德之曰不殘於寇不蹈於水生我者黃父也

宋史本
修

夏椅安慶通判元兵壓境制置使范文虎以城降椅義不肯屈仰藥而卒襟中有遺筆云職當其劇運逢其否負我君親方寸亂矣命無所逃當死而死五十六年歸其天理

南畿
志

鄭祗以參政知安慶府冰檠之操終始不二後致仕去行李蕭然且減於來日至今稱廉吏云

明統志
按此傳與明郭祗傳
文意略同鄭郭祗維字形亦相

似疑是一人而歧出者惟朝代
懸隔而郭傳加詳姑兩存之

元陳甯宋德祐初元師下饒州甯匿山中巴延素聞甯賢下令不得甯卽屠其地甯流涕曰奈何以我故而殘鄉里遂出見已延送入京授泌州知州遷安慶府同知行府事嫗育噢咻皖人

戴爲慈母

江南通志

翟居仁汴人至正閒爲太湖尹縣北多水民田盡汙萊居仁築隄障之田大稔遂名翟公隄

一統志

程宗傑肥川人至正閒爲望江尹立學宮表徐仲源基建麴大夫祠杜行田騷擾之弊立差役五等法邑民永賴

一統志

戴昌以舉人爲宿松尹立縣治建學校築壇壝闢田野庶政修

舉一統志

韓建字公懋遼西人至元中以宗正郎中知安慶穎六盜起所在守令多棄城走建治城隍計軍實示民必守與賊大小百餘

戰皆敗之盜大忿乃悉眾來城南郭久躡爲民居聯艦以爲捍蔽盜縱火舟焚艦諸守將皆潰民走視建建方部署寮吏如平日民乃無恐且戰且撲盜轉西郭卻之東郭又卻之相火所經撤民屋材夜爲柵盜無所利乃引去時余闕來成郡道聞城陷矣比至乃完問故父老皆曰韓公完我及安慶爲陳友諒所陷建方臥病罵不屈求死甚急賊怒殺之昇尸去葬南門外江邊

安慶府志

一家皆被害城中民相率登城樓自捐其梯曰甯俱死此

誓不從賊焚死者以千計其知名者萬戶李宗可紀守仁陳彬金承宗元帥府都事帖木補化萬戶府經歷段桂芳千戶火失不花新李廷玉葛延齡邱沓許元琰奏差兀都蠻百戶黃寅孫安慶推官黃禿倫反經歷楊桓知事余中懷甯尹陳巨濟凡十

八人

元史余闕傳

明譚啟宗字敬先知安慶府寇至啟宗帥殘民固守陳友諒死
太祖憫江夏屢困戰鬪不忍加兵命啟宗往諭之啟宗宣明威
德言論慷慨聞者感動厚其禮遇復命還安慶

江南通志

趙好德洪武初知安慶府時草創之初修理公宇均定賦役民
咸便之

明統志

陳希文洪武中懷甯縣丞時有指揮畢寅妄奏奪民地希文持
不可寅躬詣縣浼希文叱出之事聞就令希文鞫其事朝
廷嘉其剛直擢青州知府

明統志

周濟洛陽人知安慶府故事民役以三等九則准之濟易以什
伯之法民以爲便郡中婚葬從奢下令約之歲時宴會甚張者

罰如令風俗一變

江南通志

鍾蕃字廷芳崇德人知安慶府嚴而當於法有侵官儲者夜投

火燬籍蕃有所疑故禱神而曰神告我收訊之其人引服聞者

皆驚

江南通志

張冕長垣人知安慶府嚴於惡惡樂於善善剛明之操僚吏敬

畏安慶宿弊爲之一洗

安慶府志

俞益餘姚人永樂中知潛山縣地僻陋鮮學者益親爲教督勤

於民事而持己以廉卒於官貧無以斂民助給之

一統志

謝驥成都人永樂中知宿松縣於城東黎協橋西開濬小河注

學宮凡四境渠堰有資灌溉者次第修舉

一統志

王昇永樂初爲桐城縣丞時黃蘗山虎白晝噬人昇禱城隍神

三日虎忽自斃邑人至今傳之

明統志

郭咳永樂中知安慶府德性寬厚未嘗疾言遽色事皆辦郡人

戴之如慈父母焉

明統志

賀懋山東臨清人正統聞知太湖寬恕廉平爲士民所愛戴秩滿當遷邑人走請大吏保留在任凡十二年稱循良者無與懋

並祀名宦祠

太湖縣志

陳恪歸安人成化中知桐松縣募民墾荒得田四百九十三頃粟二千七百餘石悉以償虛賦又積穀三萬二千石修塘堰數百區由是逃亡歸籍者五百餘戶

一統志

宗信平度州人成化中潛山縣丞縣西有高地五萬餘畝小旱輒無獲信率其民鑿河三十餘里引吳塘水以溉之乃獲屢豐

一統志

許英河南洛陽貢生成化中太湖知縣溫厚清介明敏果決多

善政先後郡守皆嘉之卒祀名宦

太湖縣志 新增

袁慶祥字德徵雒人成化間知潛山少有氣節嘗詣闕上書

繫獄杖幾死及來潛興學勸農平賦息訟不期年政績卓然

江

志通

張夔黃巖人宏治中任望江教諭日課諸生寒暑不輟立企德亭於學祀諸先賢以倡諸生嘗督築西圩盡心籌畫邑人尙佛乃教以家禮民俗丕變

一統志

胡儼字若思南昌人知桐城縣心存撫字政尙寬平蠲逋賑乏除虎驅蝗表祀循良歷有惠績鄭曉名記賦役必驗丁產勾攝公事止遣信牌行移公文必於日中決之暇日輒詣學宮勸督儒生後桐城人才獨盛皆其餘教所及

明統志
新增

姚岳長興人宏治間知宿松愛民禮士然不少假借異縣有民負租課者族大而驕岳請於臺使者捕坐如律是時邑令北覲多括民財爲資岳獨秋毫無擾民有道獻者悉卻之

江南
通志

李承勛字立卿湖北嘉魚進士宏治閒太湖知縣惠而不費明而不苛政立而民輯邑人祠祀之官至兵部尙書祀名宦

太湖縣舊

志
新增

楊茂元宏治末知安慶府文章政令炳然可觀勤恤民隱小歉則賑小沴則禱歲甲子旱甚憂形於色徧祀百神天乃大雨歲

大熟民感之

明統志

孫衍餘姚人知宿松縣廉介嚴肅百廢興舉鋤強扶弱民賴以安田地多荒而出有常賦衍奏免之去後見思

明統志

張文錦字闇夫遼陽人正德中知安慶府宸濠來攻出府庫金懸城上向守備楊銳曰師行號令出於君而信賞係於我銳喜

曰戎可以卽矣時文錦力疾坐城上以鎮眾心城賴以完

南畿志

沈教慈谿人正德中知桐城縣邑正糧外有羨米三千餘石教

奏蠲之建桐溪書院置學田定祭器及古鄉射禮編爲風教錄

一統志

王誥霸州人正德中知懷甯縣到官才旬日宸濠來攻誥獨守

北城晝夜與賊戰賊數敗卻以功遷知蘭州

江南通志

李純字在誠福建莆田進士知懷甯縣興學育才修城鑿井毀

淫祠創社學

福建通志
新增

周邦熙江西安福舉人官太湖訓導博洽好學教士勤懇言論

侃直縣令以下皆嚴重焉卒祀名宦

太湖縣舊志

郭維浙江黃巖進士正德間安慶知府冰槩之操貞一不二未

久致仕去行李減於來時卒祀名宦

太湖縣舊志
新增

王一鳴字石廩湖北黃岡進士太湖知縣平易弟善恤民隱

歲饑多逋賦不忍責民自鬻己產代輸邑人祠祀之

太湖縣舊志
新增

徐必達字元伏浙江嘉興進士太湖知縣民苦糧斛大小更易請郡鑄鐵量爲式盡革諸陋規立四門社學親課諸生時議開前河未畢工以憂去縣人祠祀之

太湖縣舊志新增

李遜新建人嘉靖中知安慶府桐城民以陂池爲業後屬之官且加課又蘆課亦於常額外歲增千金遜力請於上官悉免之

一統志

蔡幾漢陽人嘉靖中知望江縣修築西圩甚賴其利邑苦田賦不均幾履畝清丈民始免無田之稅

一統志

楊銳南京羽林指揮守備安慶知宸濠必反嘗作大江自岷峨至海圖實於彭蠡處致意又於安慶城內設井治鉤距火藥埋地中及宸濠圍城眾戴版掘城號呼震天銳用布一方裊以紙束火藥散於戴木上一時火發盡棄去寇夜成橋接城欲上銳

偽實大銃以石金鼓迎之寇望奔散卽遣人由水穴出燒之相守二十餘日知寇已懈乃使泅者入水次聞舟中鼙聲卽刺殺斬纜放舟於江中岸頭發火銃城上喊聲相接指揮崔文率眾縱殺寇失措而返論功拜都督僉事

南畿志

文階南充人嘉靖中知望江縣時景王就邸湖廣過望江供億甚繁階裁以定式中官憚之戢其部弗敢譁

一統志

胡纘宗字世甫泰安人由南吏部郎中擢守安慶築龍壩開吳塘烏石堰以溉田修文廟祭器建射圃進諸生行鄉射禮暇卽講學郡齋人文蔚起

江南通志

董進第字子庸直隸人嘉靖中知太湖縣一蔬一鮭不妄取於民游潛山樵子歌曰山水之清猶有飛塵縣官之清不染一塵

江南通志

羅汝芳字惟德南城進士嘉靖中知太湖務以德化闢講堂與諸生明聖學公事亦多決於其中吏民有過諄諄訓誡刑雖設而不用時單騎尋勝樵豎不知其爲官也乃自作歌曰我馬飲

清泉清泉照我馬童子不知官紛紛來馬下

江南通志

陳于階兩人同姓名俱知桐城一爲遵化人嘉靖末行一條鞭法吏不擾民當事善之請檄天下以爲式桐濱江有洲沃衍數十里于階曰此可障而耕築隄成田歲穫穀數萬石民名之曰陳家洲一曲周人萬歷初四郊清晏而于階修城民頗駭之及流寇猖獗桐獨以城堅得全

江南通志

翁溥浙江諸暨人嘉靖中知太湖縣仁恕明決禱雨驅蝗軌有奇應祀名宦祠

太湖縣志

龔世仰字惟仁龍游舉人任望江令地饒魚鹽蓄植歲有稅額

前令多取贏以十之五奉當道世仰以爲剝民亟裁罷之

浙江通志

于廷采萊陽人萬曆中知潛山縣登西隄挽南河以會東流修

築石閘民賴其利

一統志

陸元錫仁和人萬曆中知潛山縣幹理精敏尤留心水利築沙

河清涼二隄歲乃常稔至今稱爲陸公隄

一統志

張廷拱同安人萬曆中知懷甯縣縣苦徭役田賦不均多爲貧

民累廷拱始定畝四丁一之制著爲令咸服其平

一統志

吳之才字室白新昌人知懷甯政尙惇大不苛索細過歲苦蝗

之才諭民捕之計石給錢米明年水災復請蠲租賑給

江南通志

李一甯知懷甯縣淳實溫厚志在愛民不事矯飾冠服敝垢人

疑其詐及卒於官囊無數金笥無新衣可斂士民哀慟之

明統志

石簡字廉伯臨海人知安慶府均賦役定爲圓籍

江南通志

王宗徐字鵝泉江西人知安慶府做衣蔬食端潔峭直以忤當路去官精形家者言於東郭外建浮圖七級以砥江流皖用是

曰砥

江南通志

蹇達巴縣人萬曆乙亥授安慶府丞權望江請城望江七閱月告竣明年復董役城桐城後流寇殘破郡縣二城獨完

江南通志

張緒字無意漢川人桐城教諭少與張居正同舉後緒赴選部居正趣使召之緒曰未見天子豈敢先謁相公由是不得官京師緒講學民環聽者皆感奮會大計銓部將黜之皖守曾守檀曰此天下第一流甯罷檀毋黜緒乃得畱既出不使緒知緒聞亦不報謝

江南通志

常自裕鄆陵人安慶府推官天啟丁卯三王之國道經皖江先聲折毀河濬民居以開纜徑又取絳夫數千民間騷動自裕抗

議止之

通志

陳贊化山東朝城進士天啟開知太湖縣勤政愛民歲旱禱雨輒應一日謁城隍廟有豕躑躅隨入伏階下若訴冤狀贊化因詰曰若有冤耶其導之豕卽至市民胡某家遂繫胡初無所服贊化疑未決齋禱三宿胡忽昏瞶自言與其舅同謀一傭者隱

屍牆下遂坐罪

太湖縣志

王治心忻州人崇禎庚辰授安慶同知不假人嘯笑居官灌園植蔬以自給所職江防屯糧至卽覈虛伍剔隱佃豪強憚之後乞致仕巡撫黃配元曰吾將表君爲諸郡標準何得遽及菟裘巡撫史可法亦疏言如王治心者不通長安一字然終不得調乙酉左兵破安慶治心具衣冠坐廳事厲聲罵曰爾客兵何故作逆爾皖兵何故助逆我清官王治心也恨不能盡殲爾輩遂

遇害

江南通志

杜先春官遊擊崇禎中賊掠太湖先春偵知進剿追賊於造家

山斬獲甚眾賊復集五營併圍日久援師不至遂力戰死

太湖縣志

吳暢春漢陽人崇禎中爲潛山縣天堂巡檢時流賊正熾暢春

練鄉兵悉力防禦被執不屈死贈府經歷

一統志

李允嘉沈邱人崇禎中知潛山縣流賊賀一龍等攻陷城執允

嘉及典史沈所安去索賄以贖允嘉曰死卽死耳以賄免是辱

朝廷也賊索其印繫之腰閒罵不絕口與所安父子俱被害

一統志

來集之蕭山人崇禎壬午安慶推官時困兵荒罹法者眾集之

訊獄詳愼小胥悉宥之癸未秋左兵萬艘泊江掠婦女無算集

之抗義贖還民得完聚

江南通志

楊爾銘筠連人崇禎七年知桐城縣甫弱寇流寇圍城親率士
民格鬪得退寇氛益張登陴擊柝繕壘請援者七年城賴以完

尋擢御史

江南通志

嚴頤知桐城縣識達大體每以正風俗興學校爲己任均徭役
革私斂獎善懲惡一惟至公故桐城人至今以胡儼並稱

明統志

張利民侯官人崇禎閒知桐城縣時張獻忠百計攻城凡四十
餘晝夜利民死守會總兵黃得功來援圍乃解城內安插孫羅

兩營兵三千禍不減賊利民委曲交歡兵民以安

江南通志

朱萬年浙江人崇禎中宿松縣典史流寇犯境松初無城守官
吏俱逃萬年獨以獄庫爲己任不肯去賊至被殺於堂上

一統志

李盛英榆林人崇禎中知太湖縣流賊餘孽萬餘掠縣之西北
盛英率守備徐際相禦之許家寨初多斬獲尋賊勢益眾與際

相俱力戰死

一統志

楊卓然字又先湖南辰州進士崇禎乙亥太湖知縣率民兵襲流賊走之遂創議建城親畚鍤爲士民先二年而成移石山潭

糧倉於城內輸輓便之

太湖縣舊志 新增

楊春芳湖南靖州人崇禎壬午太湖

舊志作太湖入潁州府誤

知縣張獻忠

破城同典史陳知訓教諭沈鴻起訓導婁懋履死之

明史趙興基傳

潘可大江甯人崇禎八年授安慶營守備擢遊擊丁丑寇大掠可大與安池兵備道史可法四面堵剿以功加參將總兵程龍進剿可大副之遇賊於鄆家店賊數萬騎來攻龍可大祇三千人結營守且戰營破可大自剄龍自焚史可法招魂而哭之爲

立祠城東

江南通志

張寶山四川人初隸總戎麾下史可法命率健丁八十人戍桐

城賊勢甚熾寶山身先士卒皆一當百授桐標營參將戰輒捷

辛巳賊格里眼叛寶山禦之戰死於魯礮山

江南通志

戚國泰字甯字義烏人初隸史可法軍崇禎十三年操江鄭二陽命國泰駐大雷練鄉勇籍皆市人國泰申紀律數年遂成勁旅升參將賊入境城西北角圯國泰夜密築疑城障之賊至城已完恃以防固國泰凡守望江七年禦賊禦左兵皆以血戰卒

保孤邑

江南通志

常信潛山縣丞以廉幹稱縣西豪民侵官地百餘畝信按籍復之以處貧民凡百家堯年地高田五萬餘畝小旱輒不收信率其民鑿河三十餘里引吳塘水以溉之頻歲有收民立廟祀之

明統志

晏殊知潛山縣以清苦自勵布衣糲食自處如寒士德政及民

既去士民紀其大者於遺愛碑祀名宦祠

明統志

施元緒浙江人崇禎十五年授嶺南丞時邑新破於賊加以蝗疫元緒奉檄徵漕歎曰民食草皮再加敲扑民盡矣吾甯以一人代千萬人之死晨起具衣冠端坐自縊事聞得邀錫免民皆

感泣

江南通志

趙繼春崇禎間以守備調守太湖時築城方半流賊突至逆戰於洪家嶺孤軍無援力竭死之

江南通志

金應元會稽人崇禎間知太湖賊寇潛山應元議請兵不果越數日賊長驅入境應元自誓必死賊執之加刃於頸脅令跪應元曰聚六州鐵鑄跪字不成賊怒殺之事聞贈太僕少卿蔭一

子

江南通志

袁懋齡字大年豐城人崇禎間知望江兵荒游至行賑恤力守

孤城鄰縣皆破邑獨全

江南通志

徐從治海鹽進士知桐城縣操守清介勤於民事去桐三十載

士民思之祀名宦祠

桐城縣志

詹貞吉四川巴縣人知太湖縣年甫及冠士民易之既任事摘

奸發伏如神祀名宦祠

太湖縣志

國朝何元瑞富陽人順治二年由貢生任安慶府通判職司漕務

時民運軍運之議未定百姓苦於輸輓元瑞以民運一定貽累

非淺於撫軍前痛切言之遂著軍運爲定制民得安業委署桐

城縣重士愛民輕徭減賦後以親老告歸

浙江通志

賈壯字止菴襄城人順治丙戌進士知懷甯縣兵燹未久壯招

集流亡惠通工商或單騎巡行田閒諮民疾苦時滇閩楚粵用

兵懷爲八省孔道供億繁劇壯儲侍有素卽羽檄紛馳莫不咄

嗟立辦復建學宮輯邑志百廢具舉以課最擢戶部主事歷官

僉憲

江南舊通志

李世洽直隸東鹿人順治丁亥進士知太湖縣土寇盤踞山鄉邑治屢被侵掠世洽集居民訓練堅壁拒守賊不敢犯復以計招撫呂孟張盡等解甲歸農被脅投誠者三千餘人民獲安堵

太湖縣志

鄭適元密雲人順治己丑進士知潛山縣兵燹後一意撫綏修舉廢墜操江都御史李日芄檄取邑志歷百二十年未修適元排纂詳覈上之與鎮將梁大用協築土城自此守禦有備民業

安堵

江南舊通志

常大忠字二河交城人順治壬辰進士知潛山縣邑籍無稽大忠單騎履畝清丈賦役以均建立書院捐資置學田於邑治建

庫樓各鄉立眺臺以備守望又折衷古禮及律書著冠婚喪祭之制民皆遵行之

江南舊志

張洪極香山人順治八年知桐城縣會歲旱徒跣走四十里禱於屋脊山得雨踰年復旱亦如之桐當孔道時大兵往來洪極拮据措辦不擾民間歲餘去官士民惜之

江南通志

黃熙纘字敬菴晉江人順治甲午舉人授安慶府推官署郡事會海氛告警安慶以上游孤峙人情洶洶熙纘誓眾登陣悉力捍禦有裨倭至者立縛置獄中已而大兵會剿熙纘率各營水師追擊之以功擢刑部給事中世襲三等阿達哈哈番

江南通志

鄔汝楫江夏人順治乙未進士十五年知桐城縣夙有威名豪強爲之斂跡前令葉桂祖革除里役汝楫踵行愈力又均魚課

本折解費延塾師於四門城樓資之館餐俾教民閒子弟

江南通志

趙世貞字興公開原人知安慶府清慎愛民均地丁省徭役捕蝗禱雨皆有實政在郡十年民安訟息卒於官蕭然無以斂民

肖像祀之

江南通志

遲大魁奉天人順治閒爲宿松縣丞值江西金聲桓亂邑與九江接壤逆黨突至有勦之偕逃者大魁義不苟免罵賊而死

江南通志

王凝命陽信人順治閒知桐城九年清廉潔己尤善造士洎內

擢士民爲勒碑孔道以誌去思

桐城縣志

盧肇治烏程人順治中知宿松縣邑當凋瘵之餘悉心撫字闔

里安恬流亡復業時比之和風瑞日

江南通志

孫繼文奉天人順治中知宿松縣素嫻勇略大兵至皖策應調

度悉協機宜廛市不驚鄉民安堵

江南通志

張苗字文霞嘉善人順治十三年知安慶府汴萊初墾闢者苦額賦不支苗力請上官題請三年後起科瀕江蘆洲多坍卸苗

單騎親丈酌腴瘠均廣狹洲民咸得甦息

江南通志

王民暉字孟遷臨川人順治十五年知宿松縣勸民節用務本墾荒田千頃有奇奉檄丈畝爲畫圖以進造冊編審戶丁釐剔詭寄會部使者丈州民皞徒行露宿供億悉出俸錢又力請豁明季新增之課得

旨報可

江南通志

劉效會字東皋湖廣人康熙閒知懷甯縣自題堂柱云不愛錢不徇情不惜官不沽名在任數年人以爲不負此四語

安慶府志

高攀桂錢塘人康熙閒知桐城縣革除陋規力行善政後以被

誣去官縣人泣送市爲之空

安慶府志

王崇曾字宗魯直隸開州人康熙間任太湖知縣寬厚清廉人

不敢干以私命鄉耆逐里清丈田畝歲旱請改漕糧折色民祠

祀之至今猶相率致祭

太湖縣志新増

朱卷字黃初福建莆田舉人知宿松縣歲饑出貨市米分路設

粥又建積穀倉倡捐勸輸以備救荒邑有彭惠安韶祠年久頽

壞卷爲修復仍置租充祭楚逆夏包子猖獗據斬黃離邑三十

里卷竭力効守民賴以安行取入都邑人建生祠祀之

福建通志新増

增

唐宗聖廣西永甯舉人康熙間任宿松知縣以德化民囹圄空

虛者數年編審漁戶得免賠課之累在任十餘載愛民如子邑

人祠祀之

宿松縣志新増

徐士林字式儒山東文登進士雍正五年投安慶府知府明於聽斷勤於治事廉儉自勵教士矜名節務根柢屬吏來謁輒具獄命判以試其才每讞定必先摘大略牌示吏不得因緣爲奸後官至江蘇巡撫祀

京師賢良江蘇名宦祠

懷甯縣志
新增

郭起元閩縣人太湖知縣疏塘陂建義學

福建通志
新增

王炳信字吉人廣西舉人乾隆間知望江縣每徵糧懸金於倉門吏或浮收許納戶自擊之炳信聞聲卽出懲吏漕政肅清以

失儀於上官劾罷

望江縣志

龐克疑字九峰榆次進士乾隆間知望江縣凡姦盜飲博爭鬪諸積習一時斂戢每臨漕倉督吏胥遂革浮收之弊

望江縣志

倪廷模浙江仁和人乾隆二十六年知潛山縣平反疑獄摘發

如神榜無賴民繩之以法取皆斂跡捕盜散其黨民獲以安邑
有土城就圯廷模請帑監修周十里高十餘丈屹然稱保障焉

潛山
縣志

安清翰山西垣曲人乾隆二十三年知潛山縣以儒術飾吏治
修崇聖祠葺書院濬城河巡視畚鍤不避煇蒸水湧有備至今

利賴之

潛山
縣志

靳宗著濟甯人乾隆三十年職官表入知柯城縣才德兼長人

愛以服有匿名揭帖之案宗著在省典史遠以上聞宗著力辨
柯民素善萬無反理大吏將治兵止之急返廉得奸民以細故
欲陷其仇置之法邑人得安堵焉後知休甯定輪管社倉之法

休民便之

柯城縣志
休甯縣志

吳易峰江西高安人乾隆間知太湖縣開水利建講院輯志乘

士民德之

太湖縣志

余心暢江西奉新人乾隆乙未進士知太湖縣慈惠愛民邑有熙湖書院在龍山西歲久就圯心暢捐俸倡修改建城內增給膏火復建考棚於其側去任後邑人立生祠於講堂右以祀之

太湖縣志

呂榮字幼心江蘇陽湖人嘉慶五年署懷遠知縣值歲饑民相劫奪峻法懲之乃定有巨盜久不獲榮訪獲之並盡得其贓次年調桐城南下車卽以振興文教爲己任桐之城鄉書院凡五年按月親詣督課多士其餘農田水利賑恤諸善政不可枚舉折獄廉明健訟者不敢赴愬邑人畏愛之

懷遠縣志 桐城采訪冊 舊志鳳陽府名宦

移新

汪思字芝亭上元人嘉慶己未進士由主事出知四川南江縣

有異政歷升潁州府知府調安慶在任數年民安訟息郡以歲五月養城隍傾城奔走宰雞數萬惻然憫之乃作戒殺雞文諄諄曉諭勸其以生雞翼卽以放生百姓感其意無一違者升安

微甯池太道卒於任士民懷之

府册上舊志以

廖大問字鍾隱廣西臨桂舉人嘉慶間署宿松知縣清釐積案愛民敬士歷任望江天長霍山建平鳳陽皆著循聲調補桐城敬教勸學興利除弊捐培文天成兩書院月餼創建考棚義學

士民懷之

宿松桐城等縣志以下新修

劉韻珂字玉坡山東汶上拔貢由小京官歷刑部員外卽授徽州府知府有惠政道光十一年調安慶府知府值水災於官賑外捐廉倡率勸輸得萬餘金起明年二月盡六月賑饑民十餘萬人金不足至典售服飾以益之其冬捐給棉衣襦袴數千領

尋擢雲南鹽法道士民位於野爲詩送行官至閩浙總督機前
趙仁基字厚子江蘇陽湖進士道光十一年由江西知縣調任
涇縣知縣署懷甯判決滯獄感格凶頑齋禱於室而四境時雨
立應十三年捕獲江蘇桃源掘河奸民陳端

優詔褒勉以直隸州升用十四年補滁州十七年調六安甫數月升山

西知府歷湖北按察使卒官

未闕齋
文鈔

王成璐字廉普湖北江夏進士由庶吉士改知縣道光十五年
任桐城以興文教培人材爲務捐廉課士勸學勤懇地方利弊
諮詢父老故能洞悉民隱歷霍山南陵宣城皆有聲官至貴州

布政使

桐城
縣志

李善旭字闕仙山西朔州舉人道光二十年任潛山知縣捐廉
倡修城池築河隄親督工役大水突至以身當之水立退

潛山
縣志

吳春耀字芸渠順天宛平人任太湖縣典史道光庚寅縣東南偏災緩輯饑民平減市價倡捐平糶七十餘日積勞卒官請祀

名宦

太湖縣志

平源字沛霖浙江山陰人順天籍咸豐二年署懷甯縣典史三年正月粵匪竄偃省城獄囚聞警譁變源親往彈壓城旋陷罵賊死之

賜祭葬銀兩祀昭忠祠世襲雲騎尉

懷甯縣志

張寶銘字凝初河南虞城人道光二十七年任太湖縣歲蝗起請捕滅蚊水決城隍倡捐修葺教民植桑養蠶伐蚊之法咸豐三年粵匪踞城四年寶銘守官軍襲取之未幾復陷寶銘與典史甘肅哈密人魯純信白洋外委范履祥死之是役也候補直隸知州博勒霍布率兵來援城陷同帶勇之病松知縣劉東書

英山知縣祝昌奎候補主事祝澂鑑候選知縣陳韶鳴候選訓導沈周丙和尚灘巡檢俞元齡候選千總史克諧陳開泰議敘八品陳春輝等均陣亡並各

賜卹如例

太湖縣志

德成滿洲正藍旗人道光二十九年任潛山營遊擊咸豐三年

廬州陣亡

潛山縣志

塔思哈鑲黃旗蒙古人任潛山營遊擊咸豐三年同潛山營守備浚發桂帶兵至廬州經霍山火燒嶺遇賊接仗發桂及其子某均陣亡塔思哈收集潰兵出隊烏家集力戰陣亡兵丁死者

四十一名

潛山縣志

李錫榮臨桂諸生援例選懷甯縣丞時皖省僑治廬州錫榮赴廬聽委檄巡西門咸豐三年城陷同族子李某家丁宋升皆遇

書

采訪冊

衛君選山西趙城舉人咸豐二年任望江知縣儲積倉穀籌修城垣三年正月髮賊自九江東竄城陷君選同典史張寶華坐堂上罵賊不屈死寶華妻賈氏自經時署華陽鎮巡檢王泗聞警馳入城亦死之均

贈卹如例祀昭忠祠寶華江甯人泗浙江山陰人

望江縣志

陳采綸揀發同知代理安慶府事咸豐九年從巡撫翁同書守定遠城陷與安慶營把總張濱甘泉潛山營把總張榮均死之采綸照知府陣亡例

優卹張濱甘泉張榮各如例

定遠縣志翁同書奏案

周景濂字娛陔貴州舉人以協守定遠功由知縣保直隸州咸豐十年署望江知縣兵燹後撫綏休養剔弊鋤奸時大軍環攻

安慶水陸軍需由望江轉運辦理裕如積勞卒官縣人祀之

望江

縣志

達凌阿滿洲人安慶府通判咸豐十一年苗逆圍壽州達凌阿守西城同嘉湖衛守備春林俱陣亡又候補知縣浙江宋德謙縣丞河南梁耀成江西萬景賢從九品山西魏漢章均死之

州志

重修安徽通志卷一百四十二

職官志

名宦六

徽州府

吳賀齊字公苗山陰人遷威武中卽將討丹陽黠歙時武彊葉鄉東陽豐浦四鄉先降齊表言以葉鄉爲始新縣而歙賊帥金奇黠帥陳僕等臨高下石不可得攻齊陰募輕捷士夜令潛上大破僕等復表分歙爲新定黎陽休陽并黠歙凡六縣權遂割

爲新都郡齊爲太守

三國志本傳增修

宋羊欣太山人新安太守在郡四年簡惠著稱

宋書本傳

江秉之考城人補新安太守轉臨海並以簡約見稱

宋書本傳

齊蕭穎胄字雲長南蘭陵人爲新安太守吏民懷之

齊書蕭赤斧傳

梁伏暉字元曜安邱人爲新安

本傳作東陽

太守民賦不登者輒以

太守田米助之郡多苧麻家人至無以爲繩其厲志如此屬縣

同時爲立生祠

梁書本傳

任昉字彥昇樂安人天監六年爲新安太守不事邊幅率然曳

杖徒行民通詞訟者就路決焉期歲卒官閭境痛惜共立祠堂

於城南

梁書本傳

徐摘字士秀郟人大通三年爲新安太守爲治清淨教民禮義

勸課農桑期月之間風俗便改

梁書本傳

唐蘇瓌字昌容武功人歙州刺史時來俊臣貶州參軍人懼復

用多致書請瓌瓌叱其使曰吾忝州牧高下自有體能過待小

人乎

唐書本傳

薛稷字嗣通汾陰人爲駁令今有薛公祠碑廣德三年立

南畿志

劉贊字公佐大厯中歙州刺史觀察使韓滉奏其治有異行加

金紫

唐書劉知幾傳南畿志

崔淙字君濟博陵人刺歙州簡約束明信誓懲害郡之奸除險

詭之俗召拜長安令

南畿志

崔元亮字晦叔礪州人元和初歙州刺史歙人馬牛生駒犢官籍蹠噉故吏得爲奸元亮焚其籍一不問民山處輸租苦之下

令許計斛輸錢民賴其利

唐書本傳

邢羣字渙思河閒人刺歙州時杜牧爲睦守問往來者邢君何以爲治曰急於束縛黠吏冗事弊政不以久遠必務盡根本牧歎曰邢君去縉雲日老稚泣送於路用此術也

南畿志

呂季重河東人爲歙州刺史歙東南有車難湍悍每覆舟季重

出俸錢疏鑿遂成安流因名呂公灘

南畿志

路閔字恭代元和中令祁門邑西武陵嶺險隘因鑿石為盤道又

閔門溪水壞舟開斗門洩之今號路公溪南畿志

陳甘節咸通三年令祁門時閔門溪斗門久廢甘節以俸募民

穴石積木為梁因山派渠餘波導入乾溪舟行乃安程敏政新安文獻志

宋梁鼎字凝正華陽人端拱初通判歙州以能聲聞有詔嘉獎

宋史本傳

李絃字仲剛楚邱人知歙縣歙故產金金盡賦如舊絃奏罷之

後為呂夷簡所薦官至龍圖學士歙縣志

張煦開封人雍熙中為歙州監軍凶人黃行達弟坐法抵死行

達誣州將故入其罪詔宣州通判姚鉉與煦鞠之即日決遣歙縣志

李維字仲方肥鄉人咸平中知歙州起學舍歲時行鄉射之禮

入爲戶部員外郎

宋史本傳

歐陽穎字孝叔廬陵人知歙州有盜殺人於市捕三年不獲穎

至得之泊七州皆有聲

南畿志

鮮于侁字子駿閬州人慶歷中調黟縣令攝治婺源奸民汪氏富而很橫里中因事抵法羣吏曰汪族敗前令不少今不舍後

當貽患侁怒立杖之惡類屏跡

宋史本傳

盧知原字行之平江人知歙縣善決獄他縣有獄多詣朝省外臺乞求送歙後官禮部侍郎

歙縣志

胡順之字孝先臨涇人知休甯縣民有汪姓者豪橫縣不能制歲租賦常不入適以訟逮捕不肯出順之曰令不行何以爲政命積薪環而焚之豪大駭少長趨出叩頭伏辜

宋史本傳

曾孝蘊字處善晉江人徽宗時江浙荆淮發運使泗州議開直

河以避漲溢沙石之害孝蘊以淮汴不相接不可成既而成之未幾河塞宣和二年知歙州方臘起青溪孝蘊敕郡內無得奔

擾分兵阨塞人恃以安

宋史曾公亮傳增修

洪造字彥襲鎮江丹陽人授歙縣尉方臘陷郡縣造使家人閒道奉親歸而身當其衝據險殺賊賊憤甚及城陷見害事聞壘

書褒之蔭一子將仕郎

歙縣志

蘇轍字子由眉山人元豐閒知績溪縣時令江東諸郡市買戰馬他邑預括民馬吏緣爲奸轍曰取馬使者未到徐爲之備可也及州符至縣督馬轍乃以夏稅遲期爲由召諸鄉保正副詰之曰誰爲有馬者眾以實對復諭之曰事止此矣取馬者至則出馬不至則已皆再拜曰幸甚然取馬者卒不至

南嶽志

黃誥字君謨岳陽人紹聖二年知歙州首謁先聖升堂講周禮

諭父老遣子弟入學聽講更勅學舍明年登第者十人

南畿志

章元振字時舉崇安人進士知徽州休甯縣丁方臘之亂元振

極力撫綏屬嚴州寇繼發督兵捍禦縣賴以安

福建通志新増

毛粟宣和初爲徽州司士參軍嘗攝州事適睦寇陷城執粟欲降之不屈罵賊死舉家遇害

南畿志

盧宗原宣和三年知徽州睦寇旣平奉詔修築城垣卽大甄隱起爲文以戒後人無忘寇難綜理有道民賴以安

南畿志

鞠嗣復宣和初知休甯縣方臘黨破縣脅使降嗣復罵曰何不殺我賊曰我縣人也明府有善政我不忍殺乃委之而去初嗣復聞難率吏民修城立門眾赴工守備略就朝廷知之進其官

二等

宋史本傳

陳洙建炎間知祁門縣爲政嚴平賞罰明允時值盜起洙簡練

弓矢哀集兵民與民約以死自誓賊不敢犯

一統志

郊升卿乾道三年知徽州奏罷剋科錢及歙縣絹

南嶽志

趙師夔字汝初以祖恩補官調蕪湖簿尋知徽州新學舍累遷

江東運判池州軍帥霍政與守臣上書相攻詔夔究曲直政密

遣人求庇師夔斥之具言狀政坐罷去乾道開鎮新安歲祲遭

郡從事下邑計口授粟摘奸慝釐積弊凡民所不便者皆罷之

郡人立祠於天慶觀

宋史本傳 增修 南嶽志

舒璘字元質奉化人乾道中爲歙州教授徽習頓異時詩禮久

不預貢士書幾無傳璘作詩禮講解家傳人習自是其學浸盛

丞相畱正稱爲當今第一教官

宋史沈煥傳

陳居仁字安行興化軍人瀆熙初知徽州至則告以天子節經

費以惠儉瘠不能推廣聖德吏則有罪乃招三衙軍植二表於

庭有輸納中度而遭抑退者抱所輸立表下親視之人無留滯
吏不能措手鄰州有訟多詣臺省乞決於居仁秩滿邦人挽留
由閒道始得去

宋史本傳

喬夢符字世用東陽人清熙二年進士知歙縣有大逵當水衝
居民歲苦霖潦夢符爲築隄鑿渠人免水患號喬公街

浙江通志

增

向綜開封人知歙縣事性寬裕善治劇籍閭里惡少年有盜發
用以推迹輒得民服其神

一統志

祝禹圭字汝玉信安人清熙中知休甯縣爲政清簡常著東西
銘解朱子爲作新安道院記

新安文獻志

李子宣知婺源縣請蠲無名之稅

南畿志

陳宗翰字季立知祁門縣邑人歌之云天下無雙潁川公

祁門志

張拱辰字南暉涇熙中知祁門縣歲旱躬踐深山循行阡陌視所傷之處蠲其租賦邑人歌曰桑底不聞兒捕雉道旁只見馬

留錢

新安文獻志

盛文昭知婺源縣敏而能察固圉未嘗妄繫一人

南畿志

龔椿字永年紹熙間知祁門歲饑與縣尉姚淑問發常平粟以賑不待報曰但活一縣百姓卽失官何憾秋滿兒童裂綵爲旗聯句曰龔父活我福壽千春亦餞姚尉曰薰陶和氣一千日全

活饑民十萬家

新安文獻志

徐誼字子宜溫州人光宗時知徽州歙縣有妻殺夫繫獄以五歲女爲證者誼疑曰婦人能一掌致人死乎緩其事朱覆也會郡究實稅於庭死者父母及弟在焉乃言我子欠租久繫饑而大叫役者批之墮水死矣然後冤者得釋吏皆坐罪闔郡以爲

神宋史
本傳

趙希遠字安父嘉定初守徽州飛蝗翳日希遠禱於神蝗散山谷中翌日皆死米價騰踊卽發廩賑給兼勸富民捐粟爲助全

活無算

南畿志

袁甫字廣微鄞縣人知徽州府治先教化崇學校訪便民事上之請蠲減婺源源紬絹茶租折帛錢月椿錢請照咸平紹興乾道寬恤指揮受納徽絹定每疋十兩請下常平轉運兩司豫蓄常平義倉備荒興修陂塘勸築百梁以父憂去

宋史本傳

趙希想嘉定中徽州推官上官檄委繫山取石砌漁梁又撥錢五千緡以備將來修築希想措置得宜民不知擾

南畿志

彭方字季直桐廬人嘉定間知歙縣愛養民力征賦以時太守袁甫賢之發郡帑五百萬佐其惠政方悉以代輸下戶折斛之

額始方父子皆從學於朱子至是卽縣齋建祠并爲記

新安文獻志

劉炳字叔文紹定間知徽州新學舍教育士子撥田以繼廩粟

減租蠲逋罷巖鎮市榷

南畿志

謝采伯紹定間知徽州府徽與衢巖接壤盜發常山采伯請調

兵遇之禱雨輒應虎豹避跡

新安文獻志

任良弼嘉定中令休甯時臣僚奏乞下江東漕司問拯弊之策

良弼請本縣折帛一項減三分之一又請蠲積欠二十萬緡詔

俱從之

南畿志

王柟字木叔永嘉人知績溪政以興民利爲先相視原隰開陂

塘三十六所蓄水灌田縣人德之

績溪縣志

魏克愚字明己臨邛人了翁之子瀋祐壬子知徽州關貢院作

橋梁政恬事熙民安其化

南畿志

王應麟字伯厚慶元府人知徽州其父攜嘗守是郡父老皆曰

此清白太守子也摧豪右減租賦民大悅

宋史本傳

元趙謙樊川人至元四年以懷遠大將軍爲徽州路總管言於

行省夏稅折納絲絹爲邦人永利

南畿志

許楫字公度太原人至元閒爲徽州路總管民租入親視槩量
時當桑哥立尙書會計天下錢糧戶部尙書王巨濟倚勢刻剝
遣吏徵徽民鈔多輸二千錠巨濟怒其少欲更益千錠楫曰公
欲百姓死耶生耶如欲其死雖萬錠可徵也巨濟怒解徽州賴
以免考滿去徵之績溪歙縣民柯三八等因飢阻險爲寇行省
左丞以兵捕之相拒七月使人諭之三八等曰但得許總管來
皆降矣楫單騎趨賊壘眾見楫來皆拜降

元史本傳

陳發江西人元貞中爲休甯尹單騎之官首開渠漑田各數千

項府檄收永豐倉廩料量公平無粒粟羨溢秩滿仍單騎而歸

南嶽志

郝思義字宜之真定人大德中徽州路總管以宰相子自裏衣

糧來郡新學宮刊朱子語類蠲除酒稅頒農桑輯要於里社縣

囚至郡卽遣民立碑記之

南嶽志

宋節燕京人大德中爲歙尹勸農桑農有惰者令社長供報籍

充夫役俟改悔後除名又諭父老徧立鄉塾訓子弟杜絕私謁

門庭闐然

新安文獻志

干文傳字受道

新安文獻志作壽道

吳縣人知婺源州以禮訓民禁婚喪

之踰制者創州學及晦庵書院

元史本傳

張景周歙縣丞不剛不柔善於裁決美政流行民懷思之

明統志

張毅字彥宏洛陽人大德中爲績溪尹歲饑勸富民分賑復置

義倉儲粟有飛蝗蔽空羣虎入境教虔禱於忠烈廟是夕大風

兩蝗盡滅又有猛獸如彪逐虎食之民爲立石紀事

南畿志

周希濂字君儒永嘉人爲黟縣尹嘗著臨民出政之方凡五十

條以授初仕者

趙訪周侯政績記

劉耕孫徽州路推官詳讞疑獄政績卓然

元史本傳

薛居信字仲宣河東人皇慶中爲祁門尹初至元間官行括勘

法官吏虛增民田數居信獨赴公省自實蠲減虛數

南畿志

張蒙字完德濟甯人天歷中爲祁門尹歲饑躬詣各都發廩分

賑勸富民平糶招諭商旅米艘踵至民賴以濟

江南通志

巴特瑪實哩蒙古人至正中授休甯縣尹會斬黃寇陷郡城實

哩率所部由欵捷徑直要其衝破之遂復休甯帥臣就舉爲休

甯達瞻噶齊治以平易寬厚民大悅

一統志

張士謙樂安人至正中以南臺御史出知婺源州明兵至力守五十餘日城陷被執先戮其妻脅之降士謙曰吾爲國死忠豈

畏死耶遂遇害事聞追封清河郡伯

新安文獻志

唐棣字子華吳興人除休甯縣尹先是豪民好爲併兼貧民至空產賦往往逋亡棣釐其弊具爲科條擇任廉吏宿弊一清流

逋歸復又重新學宮虞集黃潛皆有文紀其事

明統志 浙江通志 增修

明張理字玉文安仁人太祖旣取徽州路辛丑歲召理至南京

擢知黟縣事駭在萬山中高陵巨壑皆有賦民不堪命會部使

者至理力陳之言與淚俱使者以其事聞下營田司核實惟田

輸糧餘皆置不問駭民得以少紓

朱濂文集 朱國棟明史撤 新增

何敏中江西廣信人洪武中祁門知縣有政聲嘗疏不便事於

朝朝廷嘉之賜以酒遂升本府知府益加清慎事簡民安

一統志

魏君祥壽陽人明初以行省管句知徽州攜一僕之官除一切苛政治城濠均賦稅修輯廨舍官庾建朱子祠以弟子配享

新安

文獻志

白謙濠梁人明初知婺源州甲辰冬鄰寇陷城遇害葬於縣之

環村

南畿志

陳彥回字士淵莆田人洪武三十一年知徽州府靖難師起彥回糾兵將入援事定被繫爭以大義而死

南畿志

張齊錢塘人明初知歙縣時官民廬舍皆燼齊諭民復業課農

桑興學校構紫陽書院政治蔚然

南畿志

吳春建安人永樂中婺源知縣有惠政卒於官士民巷哭

一統志

石啟宗江西樂平人永樂中以薦舉爲歙縣知縣守官廉謹善

決滯獄卒於官民懷不忘

一統志

吳遜夾江人知歙縣以廉靜爲治手植庭柏至今比之甘棠南

通志

朱珍字仲理明初知休甯縣建縣西門江南

通志

鍾友諒字明德魏縣人明初知祁門縣雍蓬蒿開市井招逋逃

闢土地建立廟學百廢俱興江南

通志

余寶字均玉袁州人明初知祁門縣捫各官廨及坊巷開新河

爲橫梁以便民江南

通志

王虎洪武初知黟縣時羅寇甫平招撫流散勸課農桑政治第

一南職

志

黃彪臨川人永樂七年黟縣丞縣故折收苧布後改徵棉布地

不產棉頗爲民患彪具實請如舊詔許之南

職志

陳斌錢塘人宣德間婺源知縣居官廉約民服其化在任所修

學校及新朱子祠

一統志

龍晉字遵序吉水人由進士知徽州府開良塲灌田三千餘畝

南畿志

孫遇字際時福山人正統中知徽州先是歲造弓費累萬遇獨減十之九乙巳京師有警檄郡邑造軍器鐵價踊貴遇令民出廢鐵旬日而集景泰閒休甯縣饑民聚眾劫粟按郡者欲發兵剿之遇單車往諭卽解在郡幾二十年後擢江西布政使

新安志

文獻志

張魁字萬選新淦人正統閒知績溪縣清釐糧冊民無欺隱築塲溉田千餘畝有兄弟姪爭田久不決魁引普明故事作詩諭之俱悔悟罷訟

新安文獻志

陳寓字時安福建甯德進士知休甯縣搜剔吏蠹片言折獄數

年邑大治

福建通志
新增

董復字德初會稽人成化中知縣黜奸胥卹貧弱邑多山谷

大雨時行壞民廬舍復築隄捍之更闢田數百餘畝

新安文獻志

陳金湖廣應城人成化間知婺源縣鄰寇猖獗弗敢犯設社倉

積穀萬餘石清望甚著民間造酒其最清者輒以擬之

徽州府志

南通志

彭澤字濟物長沙人宏治中守徽州葺學宮新紫陽書院課諸

生拔其尤者廩給之

江南通志

何歆字子敬博羅人由御史出守徽州郡數火災歆下令郡中

五家爲牆里邑相效家治崇墉自後六七年無火災輒易

滅

新安文獻志

雷志淑字明山晉江人正德中由杭州守改徽郡六邑晏然蘇

郡飛派白糧力爲懇免杭人請於朝願遣其守奏可復治杭徽

民立祠祀之

江南通志

唐勳廣東人授休甯知縣正德九年江西姚源賊王浩寇婺源

入大鰲掠休甯南鄣勳募義勇親率至塔嶺截擊破之

一統志

鄭玉字于成莆田人嘉靖閒知徽州府歲饑引諸生問閭疾

苦多方賑恤時皇木擾民爲奏免之

江南通志

王繼禮字節齋文縣人嘉靖壬辰知徽州府性廉直郡無墨吏

會朝廷遣真人有事齊雲山中官數輩供億百出父老皆恐繼

禮曰是無與民事有太守在願以身當之中官不得逞四境蝗

起虔禱於神一夕悉飛去

江南通志

陶承學會稽人嘉靖中知徽州設爨具於廳事前兩造刻期至

攜米自炊曲直立判去民有半升賢太守之謠

江南通志

史桂芳鄱陽人嘉靖中歙縣知縣會倭寇數千掠民境上桂芳召邑中丁壯子弟設備與抗倭卽遷去先是歙邑無城至桂芳

乃始倡築之

一統志

吳瑄漳浦進士知婺源縣下車卽揭四語於柱曰譖愬不行強

禦不避苞苴不入關節不通六年守此如一日

婺源縣志

高節永清人嘉靖中知歙縣時以部派有所徵索民將上控節助資遣之後得免歲額徵完報上官每後他縣曰不如是人將

謂歙民富徵派日滋民重困矣

江南通志

劉廷梅字與和南昌人嘉靖中知歙縣首禁訟師民有訟輒諭以情理民皆感泣尋徵爲主事以犢車載母做衣羸馬從之父老奉壺漿遮道百里不絕

江南通志

宋國華奉新人嘉靖閒知休甯縣莅任決疑獄以十數釐清賦

役視前減三之一

江南通志

秦聚奎漢陽進士知績溪縣衝要頗以供億爲苦聚奎題其郭門云道路衝繁一切馬夫差役苦山城瘠薄百般品物購求難後上官過境皆爲止城外官至京兆丞

績溪通志

尤烈字子偉晉江人嘉靖閒知祁門縣常齎錢酒出郊外勞農而鞭其游惰者時旁郡飛坐白糧鄰邑擬任之烈獨毅然脫冠以爭事遂寢又清軍使者多斃人杖下行部至祁烈委曲調護

全活甚眾

江南通志

屠存仁知黟縣政簡刑清去官惟敝衣兩篋

江南通志

杜銓鄞縣人嘉靖中知黟縣冬月無炭令家人暴簷暉有餽一魚者卻而責之

江南通志

郭宗磐字漸甫福建晉江進士授徽州推官有巨室掘新埋殍

句誣人以死久不決宗磐廉得其冤狀一日徧召操黨裡者至詰某日何事其一云是日成三家一爲殍句如所捐家按視則中無有矣其獄立剖又有猾胥當坐法乃給駭者曰適有細故一詣公庭便可了且餌之財駭者利其財往讞者不知其僞也

繫諸獄宗磐稔知其冤釋駭者使出密令人隨其後戒之曰出

有與語者便捕來果得猾胥置之法郡人稱神明

福建通志
新增

張濤字元裕黃陂人萬歷中以科臣放歸起知歙縣始至大旱既復苦雨濤散賑請以贖鍰令富人買米平糶又做昔人以興作救荒乃作河西隄葺祠宇建塔霞山民多食於官饑不爲害以遷去民肖像祀霞山

江南通志

萬國欽字二愚新建人萬歷十一年知婺源縣始發通衢以石歲饑傾儲爲賑又諭富民平糶出粟者旌私閉者罰暇卽進諸

生課藝手定甲乙文體翕然一變擢御史

江南通志

劉一燝字著泉南昌進士令祁門邑狹民不足於食仰他郡之轉輸一燝勸民出穀置社倉準朱紫陽法鄉各建倉凶荒得不

告匱

江西通志新増

洪應衡知徽州府下車廉奸胥數人寘之法一郡肅然時璫案株連戕善類應衡曰吾不能殺人以媚人悉報罷後乞休去南

通志

林鎬字元和福建連江舉人知績溪縣始至訟者盈庭諭之曰令執惟法法由情定訟於令曷若訟於心爾等詭不以情法不汝宥也訟者稍寢邑歲入粟米布縷并錕帑羽革之屬徵則紛然鎬視緩急立程限民乃紓

福建通志新増

朱大雅字正之桐鄉人天啟乙丑知祁門縣務以禮教導民縣

有山出土每歲江右陶人買爲瓷置二千金例歸令大雅則以給工治稠木嶺險道六十里巖市鎮民變太守擁兵閉城檄屬令大雅至一言而解逆璫建祠力拒之守愾以利害不少懾遷

大理評事去之日行囊蕭然

江南通志

陳錫明平湖人知徽州府民貧賦缺錫明多方調劑爲前人完積逋三萬常語僚佐曰守官如守身身失而得官如衾影何

江南通志

金蘭字谷生會稽人天啟中知婺源縣諸生貧者置田贍之修

廉惠倉以備旱潦

江南通志

戴自成漢陽人知徽州府時皇木官銅波害無辜自成力請省豁嘗謁直指於姑孰值建陽軍變殺奸胥脅甯郡丞赴教場將擊鼓自成單騎冒白刃抗聲論以逆順自辰及未眾呼青天亂

始定丞乃獲免

江南通志

翟敬字行簡猗氏人以檢討謫知休甯縣善察疑獄庭無冤滯民舍火敬向火再拜風反火滅邑治門廡鼓樓三思橋皆所創

建

江南通志

石萬程字軫餘湘潭人天啟進士知徽州值緹騎十六人以檻車徵中書舍人吳養性養性大俠徵人德之集眾至萬人將焚錦衣寓萬程百方設法事得解後以爭黃山礦稅棄官去崇禎

初起杭州知府政績甚著

王維文黃山紀剛

唐良懿吉安人崇禎時知徽州府正己率屬歲荒多方賑恤全活數萬時集諸生講學天都書院今卽其堂祀之

江南通志

溫璜字介石烏程人崇禎末授徽州推官訓民兵爲保障計南都覆守令皆避璜盡攝其印以守知事不可爲先刃其妻女遂

自到復蘇引手抉其創而死

江南通志

何起鳳南充人崇禎時以賢良方正授休甯縣丞善發奸伏鄰邑疑獄皆求訊歲大旱起鳳與城隍神對誓三晝夜乃大雨

通志

國朝張學聖奉天人順治二年知徽州府時郡初定民多流徙學聖招徠撫綏四民復業與徽甯道張文衡總兵張天祿加意輯兵愛民後俱遷秩去時有挽不住三弓之謠

江南通志

侯憲武永城人順治初知績溪縣時流氛未息有涇縣盜戕其

令餘黨闖入縣界憲武被執罵賊死

馮賓期侯君祠堂碑

張維光廣甯人順治中知黟縣時邑有逆僕宋乞朱太等聚眾爲亂大姓竄匿維光至佯不問密請上憲發兵擒其渠魁戮之并剿餘黨百餘人民得安堵

江南通志

郭四維字帝京猗氏人順治四年知績溪縣邑奸民每借命案展轉扳害四維知其弊痛懲抑之有誣告者必反坐民俗一變

江南通志

賈士範字方海蒲城人順治進士知黟縣爲政務持大體奸胥縮手豪猾斂迹清賦稅興學校復建挹秀橋於石山民不病涉

江南舊通志

張仕縉福建邵武人順治八年以貢生知黟縣十六年海氛猖獗逃兵乘機爲亂仕縉發兵抵祁門斬渠魁劉養心等五人生擒賊將李龍

黟縣舊志 新編

來承祉字駢莠高陵人順治閒爲休甯丞性廉介署績溪縣事盡除陋規不受民間一絲一粟鞠訟好語款曲若家人父子去

之日送者如市

江南通志

李之韓字郁和銅梁人順治間知績溪縣發奸摘伏胥吏畏若

神明海寇告警百計撫輯民咸安堵去之日行李蕭然

江甯通志

朱應泰康熙間黟縣典史攜一僕跨驢至官周行四鄉勸嚴守

望人賄以錢則駭逃後以老去官一僕久求去獨身而歸

黟縣志

張行健字天行海鹽人康熙間祁門良禾司巡檢值逆藩兵逼城城陷都司臧世龍死之行健被執不屈亦遇害事聞

贈世龍遊擊將軍行健金山衛經歷士民立祠演武亭東并祀之

江甯通志

廖鵬燈字占五將樂人康熙間知休甯縣遇負氣輕生凡以服

毒自經投水來控者卽勒令埋葬勿得株累民皆懲忿自愛又

俗錮婢不嫁悉禁絕之編審黃冊陋規苛派數千悉申請勒石

永禁擢御史邑人祀之海陽書院

江甯通志

林雲錦字西仲閩縣進士任徽州府推官有府吏稔惡逮至將

杖斃之吏呼曰小人罪固當死但以不能改過遷善齋懺泉下

耳遂釋之竟以善稱雲銘理徽九載多異政推官裁歸

王孫今世說

新

吳之珽隴西人雍正間知婺源縣除催科積弊既罷官貧不能

卽歸士民日餉薪水每出百姓爭爲肩輿概不受錢

婺源縣志

張思賢正黃旗人乾隆元年鎮徽州訓練卒伍嚴而有恩遇水

火親爲拯救厚犒其用力者在任十五年兵民安之

徽州府志

唐琦雲南南甯人知黟縣甫半載多善政去之日邑人繪攀輪

圖送之遠近題詩者不下數百人琦曰持歸可以對先人示子

孫矣

黟縣志

魏化麟江西南昌人知徽州府理冤詰暴善政畢舉去之日民

草衣芒屨相送百里外涕泣而返書天下第一清官勒於石

徽州府志

志府

何達善河南濟源人由莒州牧守徽州莒人老幼襁負數千人環城以守夜乘閒乃得去在徽建文公祠紫陽書院復水利興

惠濟倉設蠶織局善政甚多

徽州府志

馮大山浙江海甯人知婺源縣決斷如流無情者不敢欺以詞

乾隆四年卒於任

婺源縣志

王錫蕃奉天海城人知績溪縣未歷任先採訪以故廉知邑事

買桑給民栽種立敬業書院以課士士風翕然

績溪縣志

孫維龍順天宛平人乾隆二十六年知黟縣愛民好士清而能

勤繕城隍置義冢造橋梁纂修邑乘議買迎靄門外地建書院

工未竣調鳳陽後任績成之維龍其倡首者也

黟縣志

張邦恆湖南醴陵人知婺源縣多善政乾隆四十二年重建文

廟久未訖工邦恆到任催督董勸卽時告成

婺源縣志

張振義江西龍泉人乾隆中知祁門縣嚴明有威尤銳意興利除害邑人惑形家言往往停喪不葬多致暴露振義倡漏澤會集民掩埋者數千棺人爲立德政碑於百子堂

祁門縣志

吳嘉善丹徒人知祁門縣政尙和易不以刻覈爲能時修城祁門例輸二萬協修他邑嘉善曰地瘠民貧豈能協濟蠲修本邑城足矣詳陳大吏從之

祁門縣志

呂子珏字孟巖武進人道光四年九月署黟縣兩月斷結積案凡百有餘事民以爲平黟境多山他縣流民往往聚眾挖煤燒灰大爲民害子珏擒泊其首者民始獲安又創建試院節書院宥費俾克持久以毋憂去官

黟縣志
以上舊志

吳甸華字南昀沅陽進士嘉慶十三年任黟縣興建碧陽書院

哀儲經費復增置義冢葬二萬六千餘棺核報有編無業田千七百餘畝設官戶完糧驅逐棚民毋得墾山開煤燒灰十七年修縣志成詳准建立試院奉調去官

黟縣志以下新修

費元鎔吳江舉人選休甯訓導道光四年大水蕪湖一帶多鬻男女元鎔募資千金密至其地代爲贖還二十二年海疆軍興勸捐五萬餘金濟軍又設豐備義倉積穀歲歉平糶卒祀名宦

祠閣
鈔

王蔭森字槐卿錢塘舉人道光八年任黟縣十一年水災請發常平倉穀平糶旋以憂去十七年再知黟縣約束胥吏緝捕訟師有生童相訐者授題作詩文評隲已然後判斷月課季試拔尤肄業署中禮方直博聞之士使邑人有所矜式十九年卒官

黟人祀之

黟縣志

劉亨起字鶴田浙江進士道光十一年任徽州知府出示委員

周歷六屬勸民葬墳捐置義冢在任七年歷次府試錄取真才

振拔單寒爲士林所稱

採訪續呈
尙黜義冢錄

胡

朱艘字籽循石屏州人道光己丑進士任績溪知縣清訟懲奸
恤民惠士革除錢糧浮收積弊蠱紳土豪斂迹民歌之曰狼出
角虎添翼攫人飛觸人食誰弭其災邦之司直十二年任阜陽

縣建義倉賑饑多所全活

績溪阜陽
等縣志

沈練江蘇溧陽舉人道光二十一年任績溪訓導教士爲根柢
之學以孟子言王政重農桑乃自購桑種令妻養蠶治絲民家
傳其法蠶桑之利遂興著有桑書蠶書刊行

沈練桑蠶書桑
績溪縣志

唐治字魯泉江蘇句容舉人道光閒任桐城知縣戊申己酉大

水多方賑撫

桐城縣志
文漢光傳

咸豐初任祁門知縣以教養爲己責

給東山書院膏火立倉廩以備歲歉咸豐三年訓練民團募勇
四年正月賊偏城登陣督戰擒斬十數人賊大至城陷殉難於
同治年

贈知府銜建立專祠世襲雲騎尉

祁門縣志

鍾普塘字霖墅會稽人任祁門大洪嶺巡檢凡十八載軍興佐
理團練巡防勞瘁咸豐四年隨知縣唐泊守禦城陷被執不屈
死奉

旨祀唐泊專祠

祁門縣志

達秀字毓峯滿洲人由刑部郎授徽州府知府飭屬修造橋梁
養濟院勸農訓士咸豐三年飭六縣興辦團練戢花燈盪匪募
安勇以吳定州等領之四年春髮逆犯境祁門陷達秀率安勇
由駁漁亭進剿收復祁門縣城斬土匪陳隱鱗俘髮賊剗心以

祭知縣唐治民氣一振旋以勞卒官士民哀思之

祁門縣志
漢等縣志

廉驥元字惺齋甯河舉人咸豐四年任歙縣時粵賊將偪徽境驥元撫循百姓彈壓兵勇修堞積穀爲固守計五年二月賊踞巖鎮縣城民散步勸登埠無應者遂具衣冠自經於縣署後堂遺書言守土無狀城亡與亡未足塞責云事聞

贈卹如例

歙縣志

唐寶昌字協臣臨桂舉人咸豐四年署休甯知縣時逆氛漸偪土匪乘機攘奪寶昌巡鄉緝捕四境肅然毋憂解任縣人請張芾咨浙撫奏畱奪情復署招勇籌餉五年春夏六年秋縣城迭陷均督團會同官軍克復籌費賑卹活難民無算七年去官萬民塞道泣送八年以知府隨周天受援浙陣歿於桃花嶺

卹廕如例

休甯縣志

張穎濱字少由河南拔貢咸豐十年以按經歷署歙縣丞受代

未去粵賊竄歙城陷自縊

歙縣志

張葆字霞辰陝西涇陽人歷任縣建德懷遠等縣其在縣時髮逆偏境辦理團練并捐俸募勇交紳董程鴻詔協守嶺要民恃

無恐政亦恬和至今思之

歙縣採訪續冊

申協垣任婺源知縣咸豐十一年四月粵匪竄婺城陷殉難

婺源志

劉兆璜字幼礪湖北鍾祥進士咸豐十年任徽州府知府潔己愛民十一年帶兵隨同皖南道李元度迎剿髮逆受傷府城旋陷妻呂氏女采珠俱投井殉難兆璜被議褫職從曾國藩軍營立功開復原官傷發卒

藩司案冊

張仁法字廉臣陝西山陽進士同治元年署黟縣二月賊六路

竄入仁法力保危城以縣印鈐衷服爲識誓死與駐防兵擊賊
戰一日夜賊始出嶺後各營調去黥防空虛仁法重整練局親
歷四鄉拊循體察捕斬散勇民以獲安閏八月卒官橐無儲金
黔人集賻歸其喪兩江總督奏奉

上諭撫字勤勞未竟所用深堪憫惜從優議卹

贈知府銜廕子州判

黔縣志